

CUSSEGL GROND

Sessiun d'avust 2022

Dumonda Said Bucher concernent la midada dal clima e l'integraziun da quella en la scolaziun ed en la furmaziun supplementara dal personal d'instrucziun sco er da las studentas e dals students a la SAPGR

La midada dal clima e las consequenzas da quella è oz sco er per las generaziuns futuras ina gronda sfida e vegnan ad avair vastas consequenzas per la natira, per la societad e per l'economia.

Tant pli impurtant èsi che magistras e magisters survegnian ina scolaziun ed ina furmaziun supplementara davart quest tema. En il Plan d'instrucziun 2021, sut STS1.2, figureschan las finamiras da l'instrucziun pertutgant quest tema. Uschia duai vegnir garantì che las scolaras ed ils scolars vegnian infurmads davart la midada dal clima e davart las consequenzas da quella en las differentas regiuns dal mund e spezialmain en Svizra. La furmaziun gioga pia ina rolla decisiva per las scolaras ed ils scolars.

Concernent questa rolla tschentan las sutsegnadras ed ils sutsegnaders las suandantas dumondas:

1. Co è quest tema cun ils cuntegns menziunads qua survart integrà en la scolaziun da las magistras e dals magisters a la SAPGR?
2. Vegnan quests cuntegns tractads sco moduls obligatorics u sco moduls facultativs, e quantas lecziuns cumpiglian ils moduls respectivs?
3. Tge procentuala da las studentas e dals students a la SAPGR sa participescha a quests moduls?
4. Tge e quants curs da furmaziun supplementara cun quantas lecziuns vegnan purschids davart quest tema a las magistras ed als magisters che instrueschan gia?
5. Tge procentuala e tge cifra absoluta da las magistras e dals magisters activs profitan da quests curs da furmaziun supplementara?

Cuira, ils 3 da settember 2022

Said Bucher, Dietrich, Widmer, Bavier, Bergamin, Berther, Bettinaglio, Bischof, Gredig, Loepfe, Mani, Mazzetta, Righetti, Tanner, Ulber, Zanetti (Sent), Zanetti (Landquart)